



L'istorgia svizra ord in'otra optica

Urs Altermatt ch'è spezialist da l'istorgia moderna da la Svizra ha scrit in nov cudesch.

14



Scarnuz grischun sin novas vias

La cuminanza d'interess Scarnuz grischun cun sias tschintg gruppas regiunalas èn s'inscuntradas a Scharans.

15

DIE SÜDOSTSCHWEIZ

LA QUOTIDIANA

Redacziun: Via comerciala 22, 7007 Cuira, tel. 081 920 07 10, fax 081 920 07 15

Tema fusiun actual eir a Tarasp

■ (anr/bcs) La situaziun finanziaia dal cumün da Tarasp nu pretenda üna fusiun immedia-ta. La devisa es perquai da spetter amo ed esser pronts pel dret mumaint. A la radunanza d'orientaziun da venderdi saira a Tarasp es la populaziun gnüda orientada davart la situaziun actuala per-toccond fusiuns da cumüns. Thomas Kollegger, il schef da l'Uffizi per cumüns dal Grischun e Georg Fallet, president da la Corpora-

ziun regionala Val Müstair e de-putà, han orientà davart fusiuns da cumüns. La suprastanza cumünala da Tarasp nu vuol far squitsch, ma per esser pronto pel dret mumaint. Ün cumün Engiadina Bassa sarà tenor ils referents plütost ün böt ambizius. Ün cumün Ftan-Sent-Scuol-Tarasp vess sgüra plü grondas vistas da pudair gnir realisà.

> PAGINA 9

Gia cumanzà cun las preparativas

■ (anr/gns) A Savognin ha gi lieu la radunanza da delegads da l'Uniu chantunala da chant dal Grischun. Organisà bunamain perfetg la radunanza ha il Chor viril-baselgia Savognin. La cultura cantica viva anc adina en noss chantun, ha ditg Retus Giger, il president chantunal dals 4900 chantadurs e chantaduras dal Grischun. Success ha l'uniuin tetgala dals 153 chors da noss chantun surrut gi cun il forum grischun per chors e cun il Chor da giuvenils Grischun.

Quel concertescha en bunamain sis emnas al Festival european per chors da giuvenils a Basilea. En il Grischun datti adina daplis chors da project e quels saja i d'acceptar e respectar. Preschentà è er vegni a Savognin il logo da la Festa chantunala da chant dal Grischun 2012 a Trun. Il comité d'organisaziun da la festa ha gia cumanzà cun las preparativas. President da quel comité è Daniel Tuor.

> PAGINA 2

Co-presidi per Surselva Romontscha

Annalisa Cathomas e Rino Darms comunablamein al tgamun

DA HANS HUONDER / ANR

■ Annalisa Cathomas e Rino Darms presidieschan comunablamein la Surselva Romontscha. Alla radunanza generala ei il connex dil romontsch cun la fusiun da vischnaucas staus in grond tema. La sonda vargada ei la Surselva Romontscha seradunada a Luven. El center dalla radunanza generala ein las elecziuns stadas sco era las consequenzas dalla fusiun da vischnaucas per lungatg e cultura. La presidenta Annalisa Cathomas ha giavischau da saver parter il tgamun cun in ulteriur consu-prastont. Cun Rino Darms ha ella catta la persuna ch'ei stada pronta da sorprender il co-presidi.

Da niev en suprastanza entran Irina Lutz, Manuela Schnoz-Flury e Carl Caflisch. La secunda part dalla sentupada ei stada cumpleinamein ell'enzenna dad ina tendenza politica actuala, numnadamein la fusiun da vischnaucas. Plirs exponents han dilucidau la situaziun, en special ord vesta dil lungatg romontsch.



Annalisa Cathomas e Rino Darms partan ils proxims treis onns il presidi dalla Surselva Romontscha.

FOTO H. HUONDER

La tema che quel vegni sut las rodas ei bein stada da sentir, mo las schanzas che fusiuns ensiaran ein medemamein vegnidas accentuadas. Gest en connex cun la fu-

siun dil marcu da Glion cun las vischnaucas vischinontas ein ils buns aspects dil romontsch vegni dilucidai. Ei ha num tschercar bunas soluziuns ni eventualme-

schizun crear novs models per-tuccont l'applicaziun dil lungatg. Il medem vala per la cultura.

> PAGINA 3

Ina politica d'economia activa

■ (anr/hh) Ils impressaris dalla Surselva ein seradunai a Mustér a lur radunanza generala. El rom da quella ha il cau digl Uffeci per economia e turissem dil cantun Grischun, Eugen Arpagaus, referiu davart la situaziun economica e las estructuras dil turissem. Allas regiuns periferas sco la Surselva che piteschan dalla situaziun negativa dalla demografia cusseglija el da far egl avegnir ina politica d'economia activa. Las regiuns ston definir claramain lur finamiras.

> PAGINA 7

Oraifer resultat per la BCG 2009

■ (anr/gc) 2800 purtadras e purtaders da scrits da participaziun da la Banca Chantunala Grischuna (BCG) han prendi part sonda pas-sada a Cuira da lur 25. radunanza. Tar quels scrits da participaziun han ins cuntanschì il meglier resultat ed ina dividenda da 35 francs. Il gudogn è creschì 2009 per 16,9 pertschient sin 143 miliuns. Da quels han tuttas gruppas participadas pudì profitar.

> PAGINA 14

Neginas parolas da violenza

DA HANS HUONDER / ANR

■ La fin d'jamna ha giu liug a Mustér in seminari dil Cussegl central svizzer digl islam. Quel ei sesplegaus en ina rama pascheviva, ils referats han cunte-niu neginas parolas d'odi e violenza. Il seminari ha giu liug malgrad ils biars dubis e las protestas els mieds da massa. Da pliras varts ei vegniu smanatschau che Mustér daventi il liug per la derasaziun da parolas d'odi e violenza. Quei ei buca stau il cass. Il cuntegn dils referats durant quels dis ei seconcentraus sin perspecti-

vas ed exempels dalla vesta teologica. Sco quei ch'il plidader da pressa dil Cussegl central svizzer digl islam, Abdel Azziz Qasim Ili, di, ha l'uniuin ina tenuta da cumpleina toleranza. Ella snega scadinna violenza. Referiu a Mustér ha era il Tudestg Pierre Vogel. Il december vargau leva el separ-ticipar a Berna ad ina demonstra-zion encunter il scamond da mi-narets en Svizra. Ad el ei denton vegniu scumandau da vegnir en Svizra. Il seminari a Mustér ha el denton saviu visitar.

> PAGINA 5



Il predicatur islam dalla Germania, Pierre Vogel, ha referiu a Mustér.

FOTO TH. GSTÖHL

Cumünanza dà forza

■ (anr/bcs) La Società da commerzi e mansteranza Engiadina Bassa ha pudü rapportar davart ün bun on 2009. A la radunanza chi ha gnü lö in gövgia passada a Zernez ha il president, Claudio Andry da Ramosch, rendü attent a la gronda actività da fabrica in Engiadina Bassa: Sco exaimpel ha'l nomnà las Pencilaras Scuol-Motta Naluns cun las staziuns a Scuol e süin Motta Naluns sco eir la nouva pendic-lara svesva, la staziun da la Viafer retica VR a Scuol, la Punt d'En da Scuol a Vulpera/Tarasp, la clinica holistica a Susch, la clinica per bes-chas a Scuol ed oter plü.

> PAGINA 11

I'ls fastizis da Dario Cologna

■ (anr/ads) La Società da promo-zion Sport da skis s'occupa dal sport da concorrenza illa Regiu dal Parc Naziunal (RPN). In col-lavuraziun cun l'Institut Otalpin Fran (IOF) promovu quista so-cietà giuvens sportists da la regiu. La Società da promoziun Sport da skis RPN, oriundamaing Snaf, serva a la promoziun dal sport da concorrenza illas disciplinas ski al-pin, ski nordic e snowboard.

> PAGINA 11



Cun luschezza han els preschentà il logo da la Festa da chant chantunala 2012 a Trun: Daniel Tuor, president dal comité d'organisaziun, Matilda Maissen, presidenta dal Chor cecilian Trun e Retus Giger, vicepresidente dal comité d'organisaziun e president da l'Uniuin chantunala da chant dal Grischun (da san.).

FOTO G. N. STGIER

Blera lavur pels impressaris

■ (anr/fa) Causa divers gronds progets impustüt a Scuol e Susch es stat l'on 2009 pels impressaris da fabrica d'Engiadina Bassa ün on intensiv. Eir las vistas per quist on sun bunas. Davo ün on plütost debel as faja quint in Val Müstair ingon cun

ün meglder on. In venderdi ha salvà la società d'impressaris da fabrica, secziun d'Engiadina Bas-sa e Val Müstair, a Scuol sia radunanza generala. La società, da la quala fan part 16 impraisas da fabrica in tuottas duos regiuns, vain presidiada da l'impressari Roland Conrad: «Cunquai cha la confederaziun sustegna las sanaziuns da chasas veglias, cul böt da spargnar energia, pon far quint ils impressaris ingon cun varsaquan-tas renovaziuns da chasas.»

> PAGINA 11

Servetsch d'abunents e da distribuziun: tel. 0844 226 226 mail: abo@suedostschweiz.ch



9 771424 749004